



www.tim-tam.ch

RECEPZIUN

Char museum da TiM

Charas recepziunistas e chars recepziunists dal museum

Voss museum participescha al project «TiM –Tandem en il museum». Guidas e guides da TiM vegnan a s'annunziar tar Vus cun insatgi che ristga da visitar il museum u insumma dad ir giuadora mo grazia a l'accumpagnament. Grazia fitg per Vossa participaziun! Tge èsi da far?

- Salidai e beneventai ils tandems da TiM che s'annunzian a la recepziun.
- Ils tandems da TiM pon entrar gratuitamain – dumandai tuttina il pass da museums u la carta da la Raiffeisen.
- Preparai per ils tandems da TiM ina cuverta cun in regalin da Vossa chasa, p.ex. ina carta postala, in bon per in café, euv.
- Vus motivais ils tandems cun dir che Vus As legrias sin la nova istorgia ch'els inventan davart in object e ch'els publitgeschan sin www.mi-s.ch.
- Faschai notizias davart il dumber da guidas e guides da TiM. Sche Vus vulais, pudais Vus era ramassar lur feedback.

Sche Vus avais dumondas, na targlinai betg e contactai nus.

Grazia fitg per la collavuraziun!

Cordials salids

Franziska Dürr

«TiM/TaM – Tandem en il Museum»



www.tim-tam.ch

L'idea da

«TiM – Tandem en il museum»

IlS giasts dal museum scuvran lur atgna vista sin objects dal museum e partan lur ideas cun auters. Il context museal dat ad els spazi per puncts da vista persunals e per lur fantasia. La savida da museum è secundara. Ella vegn cumplettada e betg premissa.

S'INSCUNTRAR

Umans da differentas generaziuns e da differentes ambients da viver s'inscuntran sin il medem nivel.

SA PARTICIPAR

Tut las persunas participadas èn activas e contribueschan cun lur punct da vista.

SCUVRIR INSATGE NOV

IlS giasts ed ilS museums scuvran insatge nov. Il punct da vista da tut las persunas participadas vegn apprezzà.

LASCHAR ENAVOS FASTIZS

Il resultat dals inscunters vegn rendì visibel per autras persunas interessadas sin www.mi-s.ch. I resulta in'emprima collecziun elavurada da cuminanza.



www.tim-tam.ch

Il fatgs impurtants

Tge è «TiM – Tandem en il museum»?

«TiM – Tandem en il museum» reunescha en il museum personas da differentas generaziuns u da divers ambients da viver. Duas personas van en il museum, elegian in object, inventan in'istorgia davart quel e publitgeschan quella sin la plattafurma «Musée imaginaire Suisse». Il project vegn realisà da Kuvverum Services en collavuraziun cun il Pertschient cultural Migros ed ulteriurs partenaris.

Co è sa furmà «TiM – Tandem en il museum»?

L'onn 2013 è il project vegnì lantschà sco «GiM – Generaziuns en il museum». Intgins museums han purschì regularmain occurrenz da GiM. Il nov format «TiM/TaM» pussibilitescha l'access a la cultura en in rom personal e protegi.

Pertge s'inscuntran generaziuns ed ambients da viver?

En Svizra sa mida la structura demografica fitg. L'isolaziun, la malsegirezza e la solitariadad confruntan blers secturs socials cun numerusas sfidas e bleras dumondas. «TiM» sveglia l'interess per l'uman, per l'ester, per insatgi che sa chatta en in auter ambient da viver. Stereotips e pregiudizis vegnan reducids ed i sa furman novs contacts. Per personas pli veglias po «TiM» esser ina nova pussaivladad per entrar en contact cun la cultura e cun auters umans. L'incumbensa activescha, motivescha e creescha contacts analogs e digitals.

Pertge en il museum?

Museums èn chombras magnificas. Ils objects lien han ina significaziun, els èn prezios – tuttina sch'il museum è pitschen u grond. La visita activa en il museum è per blers in'experientscha nova ed insolita. Igl è fascinant da chattar l'atgna vusch en il museum e dad esser creativs en dus. Quai activescha er il museum.

La finamira da «TiM – Tandem en il museum»

«TiM – Tandem en il museum» vul promover la comunicaziun tranter umans che na s'enconuschan betg u betg bain. Ils partenaris s'inscuntran sin il medem nivel. Ils tandems sa furman sin iniziativa d'ina persona che enconuscha gia TiM e che vul s'engaschar voluntarain. Uschia van en il museum er umans che n'èn anc mai stads là u che na giessan betg sulets en il museum. Els emprendan d'enconuscher il museum sco lieu da barat.

La plattafurma d'istorgias

En collavuraziun cun personas da la Svizra franzosa e da la Svizra taliana è vegnida sviluppada il 2017 la plattafurma online «MiS – Musée imaginaire Suisse». Igl èn istorgias che tandems han inventà davart lur object preferi. Ellas vegnan messas online directamain en il museum u a chasa, cun in selfie ed ina foto da l'object. Vesair www.mi-s.ch

Biro «TiM – Tandem en il museum»

Franziska Dürr (Direcziun) +41 79 433 75 53 / Gloriastrasse 73 / 8044 Turitg / info@tim-tam.ch

«TiM – Tandem en il museum» www.tim-tam.ch / «Musée imaginaire Suisse», istorgias www.mi-s.ch